

欽定剿平三省邪匪方略

欽定剿平三省邪匪方畧正編卷二百六十一

辛酉年

六月十一日

丙辰

上命軍機大臣傳諭額勒登保德楞泰曰恒瑞現在

病故西安將軍員缺已降旨將賽冲阿補授其所

遺陝西固原提督員缺將慶成補授仍令其戴用

二品頂戴以觀後效慶成所遺陝安鎮總兵一缺

最爲緊要著額勒登保德楞泰於軍營帶兵副都

統及別省總兵六員內非現任陝西如慶溥喜明  
馬玉魁者保奏二員候朕簡用前據德楞泰奏由  
紫陽取道平利赴額勒登保處面商軍務此時諒  
已會晤冉學勝一股屢經額勒登保痛加剿殺勢  
已窮感此數日內曾否將冉學勝殲擒殄平餘匪  
佇盼捷音甚爲殷切其首逆徐添德淹斃後僅止  
百餘人在山內逃竄徐添壽樊人傑二犯亦在其

內自無難一併就擒看來陝省竄匪卽日定可掃  
除淨盡惟川省關入湖北各匪昨據吳熊光等奏  
有湯劉及苟文明等逆在房縣竹谿一帶分投奔  
竄雖經楚省官兵奮擊由東北逼向西南但恐一  
時未能殲淨以目下情形而論德楞泰於剿盡陝  
賊後竟當帶領勝兵速赴湖北會同吳熊光等合  
力剿辦成功更爲迅速不可再有遲緩

十二日丁巳額勒登保德楞額奏言臣額勒登保

查張添倫各股攢聚一處經楊遇春札克塔爾

等痛加剿殺分股肆竄固應尅期掃除而冉學

勝亦須探其確踪迅速剿辦臣一面諄飭楊遇

春札克塔爾探聽各股賊蹤趕辦一面卽由白

土關拔營前進策應旋據楊遇春札克塔爾等

呈報連日帶兵由白河之大山廟麻湖溝顧住

東面趨程逼剿探得賊匪被官兵剿散後陸續  
歸併仍分爲兩股一股約千餘人竄至孫家坡  
小雙河口有東趨楊柏坡之勢一股約一千數  
百人竄至秧田壩據逃出難民供稱竄至孫家  
坡之賊係冉學勝股匪由楚境折竄白河近與  
張添倫股內零匪合併姚馨佐等各犯皆在其  
內其由秧田壩逃竄之賊係冉張股內分出欲

圖牽綴官兵楊遇春與札克塔爾等遂先帶兵  
由孫家坡剿辦二十五日起抵滿箠寨楊遇春  
商令格布舍桑吉斯塔爾總兵張鳳副將楊芳  
叅將張環遊擊李東宣等取道五尺溝抄出楊  
柏坡設伏迎擊楊遇春札克塔爾等帶領侍衛  
噶拉副將應元寬叅將唐文淑遊擊吳廷剛及  
馬步兵勇乘夜前進官兵將抵孫家坡天甫黎

明楊遇春札克塔爾察看山勢情形復將所帶  
兵勇分爲數路進取賊匪猝不及備我軍衝入  
賊羣短兵相接斃賊多人賊匪大潰大半向西  
面之石關子逃去札克塔爾緊躡追剿該匪上  
渭子池山梁札克塔爾率同侍衛將領等搶上  
山頂奮力壓下斬獲賊匪三四百人餘衆向大  
棕溪西遁委叅領哈豐阿伊昌阿法福禮均受



牙傷又有賊匪四五百人竄上董家坡正係東  
走楊柏坡之路楊遇春等率兵緊追將抵楊柏  
坡山梁適格布舍等伏兵由山上壓下兩路夾  
擊擒殺將盡餘匪數十人奔向南面溝內又經  
叅將唐文淑帶兵截住斬獲無遺惟守備朱純  
彰奮勇直前猝中賊矛陣亡委叅領富陞亦帶  
有矛傷此次共計殺賊七八百人生擒二百七

十一名內有先鋒頭目十數人又劉四見一名  
訊係老教劉啓榮之子奪獲馬騾器械甚多查  
該匪經我軍此次奮剿業已截向西奔惟冉學  
勝與姚馨佐等尙未就擒寔堪憤恨是晚探得  
該逆率領千餘人由平定河疾竄必須加緊追  
趕而秧田壩之賊係在平利以東亦不可任其  
遊奕楊遇春等且恐西竄之賊晝夜狂奔步行

兵勇難以趕上遂一面留札克塔爾桑吉斯塔  
爾等赴秧田壩一帶剿辦楊遇春一面與格布  
舍帶同副將楊芳泰將張瑗等併馬隊數百人  
由平利之神仙洞平定河趲程而進二十九日  
抄出大貴坪臣額勒登保於二十七日抵龍王  
廟探知賊匪西竄連夜發兵於董家梁神河等  
處截擊三十日亦趕抵大貴坪乃賊匪已由觀

音堂梨園壩向西左林溝遁去因是日大雨楊  
遇春一路官兵爲河水所阻未能前進

臣德楞

泰於二十九日趕到興安因官兵近來兼程奔

馳兵丁鞍馬衣履多不齊全遂令賽冲阿帶領

於興安之黃洋河暫劄稍爲製備整集

臣德楞

泰於三十日輕騎趕抵平利初一日馳抵大貴

坪與

臣

額勒登保會晤面爲籌商查得各股賊

匪蓄意東趨經數路大軍輾轉截剿現均漸向西遁秧田壩之冉張股內餘賊現有札克塔爾等在彼剿洗其龍紹周李彬戴家營等賊匪在清水河紅岩子一帶有喜明馬玉魁柯藩等帶兵於八卦廟杜其東竄刻探冉逆股匪亦有赴清水河合夥之勢又王國賢曾之秀等股匪奔近竹谿之王家河等處經明亮截擊現竄入陝

境之曾家壩惟連據七十五呈報及楚省地方  
官來稟川境湯烈等股賊匪三四千人經川省  
官兵緊剿由徐家壩竄入房縣邊境七十五已  
由竹谿竹山趕往房縣一帶剿辦長齡孫清元  
亦由房縣上龕一帶帶兵截擊臣等已疊次札  
知務須上緊剿剿該匪等不能深入楚境勢必  
折回川界七十五跟蹤進剿斷不致稍有延蔓

是此時各股賊氛均逼近一隅我軍亦正合併

一處惟因連日大雨滂沱河水處處泛漲稍有

阻隔而夏令水勢易長易消臣等一面確探各

股賊蹤一面整頓兵力臣德楞泰卽督率官兵

由東面白土關會家壩向西兜剿臣額勒和布保

督率官兵由東北大貴坪獅子壩四庫廟向西

南進擊現在首逆張添倫已被洵陽寨首等捉

獲<sup>臣</sup>等復又傳諭各堡寨竭力搜捕不難以次  
掃除再慶成一路官兵於西紫一帶搜捕賊匪  
茲接來信連日率同胡定泰副將李天林等陸  
續搜獲賊匪一百五十餘人又生擒樊人傑之  
義子樊永佑一名現仍札知慶成再行上緊搜  
剿至高二餘匪現據總兵九十稟報有奔竹峪  
關之勢<sup>臣</sup>等恐蕭福祿等由廣元一帶前進迫



蹤莫及已知會慶成探聽確蹤指示蕭福祿或由西鄉之鍾家溝或由漁渡壩等處進擊並飭令九十併力截剿迅速掃除再臣等兩路官兵近來追剿各匪勞苦備嘗謹將

欽定拏獲徐添德之賞銀二千兩外又加銀三千兩  
一併傳

旨賞給俾之踴躍歡欣自必益知用命又查張添倫

冉學清等股賊匪節經楊遇春札克塔爾於洵  
陽地界剿辦餘匪四散奔逃楊遇春等遂札飭  
附近各縣傳知各寨卡土庶人等嚴密盤緝嗣  
臣額勒登保接據洵陽令嚴如煜來稟二十二

日有賊數十人在大棕溪山溝藏匿卡首陳藉  
勝享有貴卽會同小關鋪卡勇兩路抄擊殺賊  
十數人投出難民九名又有卡勇張智先拏獲

活賊一名送縣訊係白號元帥張添倫查張添倫一犯係襄陽著名首逆

臣

額勒登保遂飭嚴

如煜委員將張添倫解送來營

臣

等公同嚴訊

該犯自認不諱惟其年歲面貌及起事情形核

之

臣

德楞泰前歲拏獲張添倫之媳張郝氏所

供情形不符遂反覆研訊始據供稱我實名張

添倫係湖北武昌人遷在陝西居住於嘉慶二

年從賊入夥先在伍金柱夥內後在張漢潮股內又轉至張添倫股內張添倫號張二師傅係襄陽人與我同名後張二師傅被官兵趕剿衝散年老不能管事我就充當元帥一切事務皆我主持襄陽之張添倫仍在夥內同走前被官兵打散各自奔逃不知下落臣等查該犯雖非襄陽之張添倫亦係隨同起事之犯該逆膽敢

在賊中自稱元帥擾害至數年之久亦屬罪大惡極現於審明後卽行凌遲處死寨民等剿捕

急公

臣

等現將首先拏獲張添倫之卡首張智

先賞銀五十兩幫同拏獲之卡首李有貴陳藉

勝二名每名賞銀十兩并均賞七品頂戴又協

同緝獲逆犯擒殺零匪之本寨鄉民壯勇二百

餘名共賞銀一百二十兩以示獎勵又據石泉

令李樞煥稟報因賊眾暗處奔竄曉諭寨民等  
盤詰搜拏茲有典史鍾尙綱帶同會溪柳溪各  
寨長等擒獲偽軍師方文祥偽總兵張吉何貴  
探馬頭方文鳳高長生以及徐添德姪女徐三  
女子數名錄取供詞具報前來臣等細加察訊  
該匪均係與徐添德冉文儒一同起事老教並  
檢閱該縣送到方文祥隨身所帶經卷書冊五

本所有傳教老教姓氏以及抗拒官兵月日地方均有記載其經卷言語更多狂悖亦係緊要之犯徐三女子係徐添德堂姪女<sub>臣</sub>等除飭令

石泉縣將方文祥等解營復加審訊辦理並查明出力寨民等加以獎賞外該縣令李樞煥典史鍾尙綱平日辦理地方事件本尙認真此次督飭寨民捕獲要犯多人亦屬能事又李樞煥

尚有盤獲樊人傑股內被脅民人張國富等二  
名據供樊人傑被官兵打散後帶同十一人至  
廟壩地方路遇一人卽行戕害獲有西鄉縣路  
票一張欲搭船由水路到襄樊去其說亦非無  
因<sub>臣</sub>等仍札知慶成於西紫一帶山林細加搜  
捕並密行知照督臣吳熊光一體嚴飭各屬盤  
詰不至疎漏



德楞泰又奏言竊查首逆徐添德前在仁河淹斃究屬倖逃顯戮必得尋獲屍身剖骨揚灰始足以快人心而抒衆憤遂將前獲該逆之妻徐李氏暫留識認當派已革守備龍必達帶領善水兵勇二百名在於仁河下流牛角園芭蕉口河水盤折潌洞之處遍加打撈陸續獲有屍身三十餘具又於下流之吳家灣曹家壩關門石

一帶撈獲屍身十餘具內有一年近五十屍軀面目未變左膀尙有傷痕當卽派人帶領徐李氏前往識認該婦一見痛哭口稱實係伊夫願與俱死又令獲犯李義明等指認亦僉稱屬實查徐添德爲川省起事首逆罪大惡極今將屍身撈獲可見神人共憤隨令梟其首級粉碎其身并將徐李氏亦卽正法是日附近硎寨百姓

老幼觀看無不歡欣稱快該犯係四川達州人

臣

並令將徐添德徐李氏首級用木籠裝貯由

興安漢中遞送達州懸示使川陝地方百姓咸

知渠惡已除歲功在卽至龍必達本係守備戴

有花翎前因其當差平常經

臣

叅革摘去翎頂

仍令効力自贖此次派令打撈徐逆之屍軀亦

有微勞應懇

天恩將龍必達准其仍以守備補用均奏入

上命軍機大臣傳諭額勒登保德楞泰曰此次額勒登保督飭札克塔爾楊遇春格布舍等分路截剿斬獲多名或奮力緊追或伏兵夾擊大獲勝仗札克塔爾楊遇春格布舍均屬奮勇皆由額勒登保調度合宜茲特將朕佩帶之搬指荷包等件分賜額勒登保德楞泰並札克塔爾楊遇春格布舍伊

等祇領如朕親授以示格外恩眷至額勒登保德楞泰兩路兵勇追剿各匪勞苦備嘗自應加之賞資今伊等業經傳旨賞給銀五千兩所辦甚是茲再發去一兩重銀牌二百面五錢重銀牌二百面分賞額勒登保德楞泰兩路兵勇擇其尤爲出力者面宣恩旨獎勵額勒登保德楞泰督率剿辦實已不遺餘力卽官兵鄉勇等節次殲擒盤獲各首

逆亦無不同心滅賊又何待朕復行催促惟目下  
由川闖入楚省湯劉及苟文明等逆俱在房縣竹  
谿一帶奔竄雖有七十五帶領兵勇躡蹤追剿究  
不足恃並恐楚省堵禦稍疎或致竄入均穀便形  
散漫若能併歸洵白一帶方易剿辦此時額勒登  
保德楞泰均帶兵自東而西其東面附近楚省處  
所相距較遠德楞泰俟川省賊匪剿剽無多卽速

赴湖北幫同吳熊光等合力剿辦以期尅日肅清  
楚境至拏獲首逆張添倫之卡勇張智先等業已  
分別賞給頂戴銀兩所辦甚是至卡勇等能留心  
盤獲首逆皆由額勒登保等多方鼓勵知縣嚴如  
煜督率寨民認真緝捕前已賞給知州銜并賞戴  
花翎著再交部議敘能必達著仍以守備補用至  
前次兵勇等拏獲賊首俱照例懸立賞格給予官

職銀兩是以倍加踴躍但恐鄉勇等有意邀功不  
可不預爲防範著額勒登保等傳知守卡員弁明  
白曉諭各處鄉勇如果拏獲真正首逆自應報明  
軍營立施重賞倘有假冒通勒之事一經訊出必  
當按律治罪俾各鄉勇等咸知勸懲又據奏撈獲  
徐添德屍首認明屬實將該犯及徐李氏首級遞  
至四川達州縣示一節自應如此辦理徐添德雖



係落河淹斃但屍身未獲尙在疑似之間今撈獲  
認明可見天理不容難逃寸磔且令各股賊匪聞  
知徐添德實已淹斃失所倚恃自必更形畏懼紛  
紛瓦解於剿捕機宜亦屬有益再前因明亮年老  
有疾已降旨賞給二等待衛令其來京其宜昌鎮  
總兵一缺將田朝貴補授並諭知額勒登保如田  
朝貴現在軍營令其赴楚接任今聞吉林泰現在

湖北帶兵打仗奮勉所有湖北宜昌鎮總兵員缺  
卽著吉林泰補授昨日慶成所遺陝安鎮總兵員  
缺著田朝貴調補此次打仗陣亡之守備朱純彩  
著咨部賜卹其受傷之委叅領哈豐阿伊昌阿法  
福禮富陞曾否痊愈著遇便覆奏

同日長麟奏言竊自軍興以來陝甘兩省節年  
被賊蹂躪嘉慶四年以前甘省並無堡寨陝省

雖有堡寨但每一州縣亦不過十餘處及數十處間有鎗砲除獵戶外施放精熟者亦不甚多

嘉慶五年

臣

抵任時沿途親身勸諭并委司道

丞倅分投催辦陝甘兩省堡寨漸多上年撫臣陸有仁到任後又復委員添築添派司道分段督催現在陝甘兩省平地舊有一村鎮山巔卽有數堡寨約畧估計每一州縣有修築堡寨百

餘處者亦有數百處者每一堡寨必有大礮數位過山鳥自數位至數十位不等鳥鎗刀矛自百餘件至數百件不等且現在民習戰鬪施放鎗礮日漸純熟刀矛亦皆銳利如甘省之鹽關龍山鎮等處每遇賊匪經過無不率衆出剿且亦從未懼賊敗潰陝省近來如西鄉紫陽白河洵陽鎮安五郎石泉寨民殺賊之事日有報案

是各州縣堡寨及堡寨中之鎗礮刀矛等件寔  
今日衛民之良法然臣愚昧之見竊以爲堡寨

刀矛雖大有益於今日實大不宜於將來無論  
民氣日趨强悍抗官聚衆之事不可不預思防  
閑卽鄉閭中雀角鼠牙動輒以兵械相向亦實  
有關風化若必俟大功告成後再行逐處查點  
按戶收繳不惟委員書差等辦理稍有不善難

保其不致激生事故且恐奸民地棍詐爲欺朦  
必有以多報少以有報無情事一處之軍械收  
繳不淨卽一處之百姓風氣未醇是在未經收  
繳以前預行查明斯於收繳之時可無掛漏查  
現在勸修堡寨每一州縣卽有正佐委員數人  
每數州縣卽有總理司道一人每堡寨之鎗礮  
刀子雖係各堡寨自行製造但其所需火藥鉛

九尚有仰賴官爲資助者其團勇之時亦有委員監視操演者正可乘此賊氛未淨之前藉散放鉛丸火藥爲名稽查鎗礮確數藉監視操演爲名稽查刀矛確數追賊氛一滅某州某縣共有堡寨若干處某堡某寨共有鎗礮刀矛若干件卽無難按冊而稽惟是收繳之時固不可失之過緩亦不可操之太促當賊匪初平之際民

心驚疑未定遽欲収其器械不惟良善之民慮  
或尙有需用之處勢必多方延宕更恐奸邪匪  
類共見官兵已撤民向鎗礮刀矛亦已收繳淨  
盡又復暗生窺伺臣與陸有仁公同酌議應請  
將各州縣中之平地村鎮修築堡寨其舊有房  
間並未被賊燒燬者於盜匪已平三月之後人  
心自己大定卽定期於賊平三月以後收繳鎗



礮刀矛起勒限於一月內收繳全完其村鎮舊  
有房間已被賊匪燒燬各在山巔峻嶺修築堡  
寨者定期於將被燒房間修理齊全寨民移住  
村鎮後勒限一月收繳全完臣等責成現派勸  
修堡寨之總理各司道司道責成現派勸修堡  
寨之各委員及各州縣俾其自勸修堡寨查點  
鎗礮刀矛起至將來收繳軍械安插百姓止總

令始終一手經理倘能不動聲色辦理妥協  
臣  
等將該司道委員州縣等奏懇

聖恩交部議敘或有辦理不善者亦卽據實查拏其  
餘善後事宜頭緒煩多有應依照辦過成案辦  
理如從前石峯堡及蘇四十三等案者亦有應  
就各地方情形因地制宜不能遵照成案者  
臣

等現已分飭司道府廳州縣等就地方情形各

抒所見如有可採臣等亦卽覆加核議悉心籌

畫再據各路稟報冉逆賊匪前由平利闖入楚  
省二竹邊界額勒登保督率楊遇春札克塔爾  
等帶兵將該匪截回折竄洵陽白河境內楊遇  
春等緊蹙追剿額勒登保亦在白土關一帶策  
應楊遇春等追至洵陽境內適有張添倫曾芝  
秀姚馨佐楊開甲等各餘黨並冉逆分股之賊

與漢江北岸徐添德夥內剿散之賊會合一處  
約共五六千人屯聚張家河五家園一帶攻打  
太平寨神仙洞適楊遇春札克塔爾帶兵趕到  
痛加剿殺殲斃賊匪二千數百名生擒一千二  
百餘名該處寨首亦率衆出寨追殺鎗斃賊匪  
十餘人生擒十一名餘賊四散逃竄其案東寨  
大棕溪小關鋪等處寨勇亦鎗斃僞元帥徐文

德生擒探馬頭毛珍汪大貴等其餘陸續殲獲  
或十餘名或數十名不等並將首逆張添倫拏  
獲解送經畧大營辦理至徐樊二逆經德楞泰  
慶成在西鄉境內疊次剿戮僅餘數百人東竄  
紫陽黃川溪適遇總兵汪啟帶兵截殺德楞泰  
前敵官兵亦經趕到兩路夾剿賊匪情急搶渡  
溪河山水陡漲徐添德落水淹斃並淹斃夥賊

甚多餘匪不過二百餘人出高橋一帶老林四散逃遁德楞泰帶兵由漢陽坪緊追前往嗣又據石泉縣報稱該縣所屬之曾溪柳溪寨首於大兵去後率衆搜山拏獲僞軍師方文祥僞總兵張吉何貴探馬頭方文鳳高長生李勝位張國富及徐添德姪女徐三女姪媳鄧氏等九犯現在審辦查額勒登保大兵正在東面德楞泰

亦向東移尙將賊匪逼歸一隅官兵亦會合一處可期聚而殲洗至伍逆餘匪數百人現由五郎江口竄往孝義之小山谷大石窰一帶穆克登布等趕上截殺該匪由北河竄至山陽縣之九間房一帶穆克登布緊追前往劉之仁亦由鎮安趕赴峒峪河下官坊一路兜截總兵蕭福祿帶兵追剿高二餘匪行抵寧羌途次拏獲賊

探二名據供現有羅其清餘黨賊首王國順暨  
另股賊首張世榮各率賊匪數百人在廣元境  
內屯聚欲思奔竄陝境先令該匪前來探聽有  
無官兵防堵等語蕭福祿現在探蹤攔截適慶  
成奉額勒登保派來接管臣原帶兵勇當卽由  
黃官嶺趕赴蕭福祿一路督同堵剿其棧道大  
路亦經慶成遵照額勒登保指示派令叅將韓



自昌帶領兵勇千餘名前往廢邱關一帶駐紮  
防堵奏入

上命軍機大臣傳諭長麟曰據奏大功指日告成請  
將各堡寨鎗礮軍器預行查明登記以便將來按  
冊收繳一節固係應行辦理之事但現在各處設  
立堡寨擒捕賊匪正資其力卽日大功告成賊氛  
甫淨若遽行勒限令民間將所有軍器紛紛呈繳

愚民無知必以爲伊等急公出力而地方官轉事  
猜疑亦非潛消反側之道該省地界山谷居民或  
用以打牲防備虎狼亦難盡數收繳甚或胥役藉  
詞滋擾別生事端更不可不防其漸此事惟在地  
方大吏隨時留心妥辦果能廣爲勸諭如前代之  
鑄劍戟爲農器則民氣敦龐自可日臻上理若撫  
馭失當民心不靖則執挺皆可爲兵又豈條約所

能禁止長麟所奏未爲不可但總當不動聲色留心稽核不但此時不可露收繳之語卽將來亦不必有收繳之名方爲妥善

臣等謹案上之馭下也似風行而草偃亦馬剛而轡柔况兵燹甫經民心未定一切令行禁止之事尤不宜操之曰威乎堡寨之設人自爲戰不數月間克渠以次殄除實於剿捕

有裨追功成事定之後刀矛軍械自應官爲  
收繳但恐辦理不善或勒限過嚴非特奸胥  
蠹役藉生滋擾之端且令鄉里頑愚轉啓猜  
疑之漸所關實非淺鮮我

皇上至誠洞燭因督臣之奏請

諭令地方大吏隨時留心妥辦不動聲色廣爲勸諭

先幾訓示用以消反側而靖戈鋌

臣

等恭摺

綸言以民氣敦龐則鑄劍戟可爲農器若撫馭失當  
則執梃皆可爲兵豈條約所能禁止仰覓

睿慮淵深民是顧畏

聖謨洋洋洵足爲萬世金鑑云

欽定剿平三省邪匪方略正編卷二百六十二年

辛酉

六月十八日

亥

額勒登保奏言查穆克登布所

剿伍懷志股匪自前月疊次斬獲多名之後賊

匪五六百人由鎮安一帶東竄穆克登布於黃

官峪跌閃右腿仍勉強騎馬奔馳與豐紳綸布

春等趨程追剿每日不問程途遠近亦不計錫

帳能否趕到鼓勵官兵誓必將該匪一鼓剿盡

該匪率其餘黨於上月二十日竄至舊縣關勢  
將東遁經穆克登布等帶兵繞出其前沿途日  
有斬獲賊匪僅剩三百餘人復折而西遁並不  
經由大路只在秦嶺之巔深林密箐中攀援逃  
遁嶺上絕少人烟無處擄掠穆克登布帶領兵  
勇緊傍秦嶺之西南麓而進豐紳綸布春帶領  
官兵緊傍秦嶺之東北麓而進並派遊擊李國

棟王兆龍都司李廷珍劉桂林廖得亮守備柯  
連仲等帶領精銳兵勇裹帶乾糧亦上秦嶺之  
巔跟蹤追捕三路官兵經行之處皆本地居民  
樵採不到之地始則鎮將等尙能乘騎後則穆  
克登布與豐紳綸布春等亦皆徒步沿途並無  
地名該匪等經官兵進逼計窮力竭二十一至  
二十八等日復由孝義老山入寧陝地界隨處



有經兵勇斬獲者有餓斃自縊者所剩愈少到處藏匿甚至無蹤可尋穆克登布等懸立重賞分飭兵勇逐處搜捕六月初一日晚間據都司李廷珍探報賊匪在一層樹上據險潛藏穆克登布豐紳綸布春等連夜進兵黎明趕到察看該處四面皆係陡壁僅有流水凹渠一處尙可爬越此外亦有危磴一二處可以攀援而上穆

克登布等傳知兵勇不得喧嚷致賊驚竄先將  
兵勇於四面分佈派令佐領奇克坦遊擊王兆  
龍都司李廷珍廖得亮楊得陞守備邱斌勝何  
榮千總呂萬德把總張占熬周天章外委張斌  
聶標文姜英穆應貴吳應學等帶領奮勇滿漢  
兵勇保升魚貫陸續上山賊匪已有知覺我軍  
直前分投剿捕當卽殲戮數十名生擒四十二

名首逆伍懷志帶領賊目六七人由層岩飛躍而下該處正係綸布春率領兵勇在彼截殺兵勇一齊上前將各賊悉皆生獲伍懷志一見兵勇料難脫身急掣佩刀欲即自刎經已革遊擊周國平守備曾連光與兵勇富四海等數十人上前按住令獲賊識認卽係首逆伍懷志該逆亦自認不諱維時穆克登布豐紳督率兵勇已

將餘賊擒斬無遺獲賊中有偽副帥胡長盛先  
鋒李世雄汪成李延青探馬頭陳朝光等大小  
頭目十二名因大半跌傷均卽凌遲梟示據穆  
克登布等稟報前來臣查伍懷志係襄陽老教  
起事有年自伍金柱殲斃後該犯卽率領夥黨  
多人輾轉奔逃勞我兵力先經穆克登布等追  
剿所存已屬無幾後又在南山畏脅並有各股

賊匪內剿潰餘匪與之合夥今春不下三千餘  
衆穆克登布等於樓東樓西節次緊剿漸形窮  
蹙而首逆伍懷志猶逞其狡猾之技東西遁逃  
茲幸臨陣生縛將餘匪斬獲無餘臣卽飭穆克  
登布等將該逆解來軍營再行嚴訊盡法處治  
凌遲剐骨以彰

國憲謹先將穆克登布所訊供詞錄呈

御覽至龍紹周股匪有趨八仙河之勢冉學勝及張  
添倫等殘匪遁入濫河俱逼近老林德楞泰昨  
已馳赴白土關由東向西兜剿札克塔爾現已  
將白河境內肅清帶兵趕來臣現卽飭令楊遇  
春等帶兵由獅子壩南坪進剿其秧田壩之賊  
經札克塔爾帶兵斬獲多人餘匪有向西逃遁  
者亦有向東竄去者現已知會明亮並嚴飭德

昌等趕緊截捕勿令遠遁聞楚境湯劉等道有  
東竄之勢長齡等已赴保康截擊七十五又出  
房縣追剿但恐該匪折向二竹而來亦知會明  
亮德昌相機截擊現又騰出穆克登布等一路  
勝師臣已調令由鎮安興安一帶前來軍威壯  
盛分路合擊更可迅速成功

額勒登保又奏言查此次辦理教匪除官兵緊

剿外惟修築寨堡實爲制賊良法

臣

前歲由川

入陝彼時陝甘督撫亦在責成地方官辦理而

地方本屬遼濶各州縣等未能認真勸導上緊

修築是以賊匪仍得往來自如自去冬撫臣陸

有仁到來諸事整飭於糧餉軍火無不先事預

籌至修築寨堡一事

臣

今春在南山時與陸有

仁往返札商旋即議定條款分派按察使文需



道員楊護吳沂候補道李嗣商州知州陳祁等  
分段督理且於一州一縣分飭正佐雜職以及  
候補人員協同各該廳州縣辦理各官員無不  
盡心籌畫因之各該處百姓亦俱踴躍已有之  
堡寨重加修理堅固凡山僻處所未經修築之  
處無不一律興修小民均可自衛身家卽牲畜  
糧食等項亦俱上寨賊匪旣無人可擄亦無食

可掠而官兵又復緊追賊匪所到之處不能存  
留故前此節次竄過隘口之賊未得屯劄被兵  
蹙剿卽復折回且如洵陽石泉寧陝紫陽孝義  
等寨民並能搜拏賊首賊目卽各州縣寨民亦  
有拏獲之賊此其明效大驗其南山一帶山勢  
險阻林木叢密而賊匪却易潛藏臣在南山時  
一面調回總兵劉之仁趕辦營制復一面責令

總理道員朱勲寧陝同知張約將南山寨堡趕  
緊先行妥辦所有章程逐細告知該文武遵照  
辦理陸有仁委員亦到數月以來大小官員急  
公奮勉親歷周查深山種地之人類多窮苦無  
力並量加資助該處民人亦皆踴躍趨事且該  
員等皆於賊匪未淨之時乘間趕辦業經完功  
所以伍懷志亦不能久匿得以迅卽掃蕩是此

番修築寨堡大小官員之勞積實不可泯所有  
在事司道以及地方正佐候補各委員並軍需  
日久地方出力官員亦復不少臣與陸有仁會  
晤時當秉公查核歸於善後事宜分別奏懇加  
恩外查寧陝同知張約人本老成辦事結實寧陝富  
萬山之中大軍忽往忽來該員輓運兵糧並無  
貽誤民情愛戴而修築寨堡之迅速該同知實

有勤勞應懇

恩賞戴花翎又候補通判雒昂到陝後卽管帶鄉勇  
涉險履艱不辭勞瘁此次官兵剿辦伍逆該員  
或探蹤協擊或扼險攔截屢次殲擒賊目賊匪  
實爲出力應懇

恩賞戴藍翎以示獎勵奏入

上諭內閣曰首逆伍懷志係襄陽老教起事有年自

伍金柱殲斃後該犯率領夥黨多人輾轉奔逃到  
處畏脅實屬罪大惡極經額勒登保督飭穆克登  
布等趕緊追剿日形窮蹙猶復在層岩之上據險  
潛藏穆克登布豐紳綸布春將兵勇密布四面陸  
續上山分投剿捕當將伍懷志生擒殲淨此股餘  
匪江北南山一帶全就肅清所辦實屬可嘉額勒  
登保雖未親身到彼但一切皆其調度著賞給翡翠

翠搬指鑲玉帶板大小荷包穆克登布豐紳緊蹕  
賊蹤不遺餘力甚爲奮勇俱著交部從優議叙並  
各賞給玉搬指瑪瑙鼻烟壺大小荷包伍懷志自  
屠岩躍下時正值綸布春率領兵勇在彼截殺將  
各賊悉數生獲尤爲出力綸布春自獲咎後極知  
愧勵此次首逆伍懷志卽係伊所帶官兵擊獲綸  
布春著加恩超陞二等侍衛賞還原有巴圖魯名

號以示優獎再伍懷志情急掣刀欲行自刎時經  
已革遊擊周國平守備曾連光鄉勇富四海上前  
按住擒獲周國平著以都司補用並賞還原戴花  
翎其曾連光富四海均著賞戴藍翎曾連光仍著  
以都司用富四海如原無頂戴卽賞給八品頂戴  
如原有頂戴卽加賞一等所有額勒登保保奏人  
員單內三等侍衛碩通保著賞給察果喇凱巴圖



魯名號都司李廷珍著賞給拉里巴圖魯名號照  
例賞銀一百兩副將伊昌阿遊擊李國棟守備柯  
連仲著賞戴花翎遊擊王兆龍傅廷剛著賞換花  
翎守備何榮嚴正朝千總馬連魁把總易光俊楊  
起龍外委姜英張榮柱穆應貴易獻書吳應學戰  
兵袁樹軍功鄉勇李奉周倫俱著賞戴藍翎並發  
出搬指十件火鐮包牙簽袋各五件交額勒登保

酌量分賞出力將弁俾知鼓勵又據奏修築堡寨出力各員陸有仁自簡任巡撫以來皆能預籌妥協且於築堡一事與額勒登保酌定章程籌畫盡善俱有成效陸有仁著交部議敘並賞給大小荷包總兵劉之仁按察使文需道員朱勲楊馥吳沂李翮于趕築堡寨事宜均能督理妥協俱著交部議敘藩司溫承惠與陸有仁捐廉製辦兵丁衣履

集賢堂書目卷之三  
十一  
甚爲急公亦著交部議敘同知張約挽運軍糧修築堡寨著有勞績著加恩賞戴花翎通判雒昂管帶鄉勇陟歷艱險不辭勞瘁著加恩賞戴藍翎用示獎勵

上命軍機大臣傳諭額勒登保曰此時陝省江北業已無賊其漢江南岸祇餘冉學勝龍紹周張添倫等殘敗餘匪無難剋期殲除惟楚省湯劉等逆人

數不少尙在奔竄雖經吳熊光等督率官兵奮力  
截擊遏其東竄之路尙未能迅速殲除現在額勒  
登保德楞泰二人如已將冉學勝等股剿辦完竣  
卽酌分一人帶領勝兵速赴楚省幫同吳熊光等  
奮力夾擊以期迅速肅事倘伊二人暫時不能離  
陝亦當派令得力鎮將帶兵赴楚協剿況南山旣  
經肅清穆克登布豐紳綸布春等一路勝兵正可

令伊等帶領徑往楚省協剿自必倍加奮勵更易  
集事也

同日勒保奏言查黃號唐明萬與李顯必自經  
官兵由楚截回川境唐明萬分股先行李顯必  
帶衆守後二十一日經我兵冒雨追及將李逆  
一股逼向店子河剿淨維時唐明萬先已逃竄  
臣卽擬督兵緊躡緣是夜雨勢更大東溪河水

陡漲數丈不能過渡分投迺探並無別路可通  
直至二十六日雨勢漸止天氣稍覺開霽河水

尙屬湍激

臣

當卽飭令兵勇砍伐樹木紮筏預

備次日水勢稍平

臣

督催步隊兵勇乘筏馬隊

淌溜分起過渡一面派人偵探賊蹤一面督兵

由鐵瓦寺一路前進連日經由二郎壩平頭山

八步營等處進抵黃墩旋據探報該匪已由黃

墩竄入陝境平利老林相距較遠

臣

思此股賊

匪屢經擒剿所剩數百人既已遁入陝境老林

現在川省自七十五分兵赴楚後僅有

臣

一路

征兵既未便越境窮追又不能再分兵力以致

川省兵備空虛刻下大寧沿邊一帶均無賊匪

臣

不便久住老林當卽暫爲撤出查前據川北

一路文武稟報高二餘匪由寧羌竄入廣元蒼

溪境內而通南一帶亦有由陝竄來剿散餘孽  
在彼游奕並准長麟咨會已派總兵蕭福祿帶  
領兵勇四千餘名由寧羌廣元來川剿辦高二  
餘匪此時川東旣無賊可剿臣本擬帶兵卽赴  
川北會辦適於六月初一日接經畧額勒登保  
來信內稱追剿冉學勝股匪疊加斬獲該匪由  
安康平利東奔又接長齡來咨有不知姓名股



匪從陝省洵陽大小神河竄入竹山竹谿一帶  
又接七十五來信竹山竹谿均有賊匪並有賊  
匪竄進楚疆該提督現擬會合長齡明亮併力  
剿辦是此時楚境賊勢較重其川北之賊據報  
只在沿邊地方游奕臣若卽移師北向自大寧  
以致廣元一帶計程約有二千餘里設兵到川  
北賊匪仍遁回陝境不但徒勞兵力且恐楚省

賊匪經重兵追擊情急逼入川境則川東一路  
空虛彼時聞信轉回已有鞭長莫及之勢再四  
思維川北賊匪究有蕭福祿一路官兵追剿不  
致蔓延嘉陵江岸防堵嚴密可以無虞臣惟有  
在川東地方暫劄數日探聽楚省賊蹤設被逼  
剿入川臣即可帶兵迎擊以收夾攻之效如該  
匪等卽在楚省剿滅或竄離川東而其時川北

境內尙有賊氛

臣

卽當趕往剿辦以期川東川

北均就肅清奏入

上命軍機大臣傳諭勒保曰勒保近日並未與賊接  
仗惟安坐川東一帶僅以探聽賊蹤帶兵迎擊各  
情敷衍入奏殊屬無謂目下川東旣無賊可辦地  
方事務是其專責現在大寧巫山一帶被水勒保  
卽當就近在彼妥爲查辦務令災黎不致失所並

將各處要隘嚴密防堵如楚境賊匪再行折回川境卽當竭力截剿倘任復行竄入卽係勒保之罪至嘉陵江尤關緊要勒保旣稱江岸防堵嚴密毋令川北竄匪或有偷渡凜之慎之

同日吳熊光全保長齡奏言竊照川匪經官兵在青峯溝范家壩等處遇擊東趨

臣

吳熊光全

保緊防北面獅子岩上龕等處

臣

長齡督同孫

清元等官兵由保康大道抄赴東路迎截及

臣

明亮在葛藤埡搜捕冉逆餘匪

臣

長齡因賊匪

欲由南漳荆門一帶竄往荆襄所屬擄掠民人

馬匹並據探報賊蹤行走迅速當率孫清元副

將吉林泰等由馬攔臺口取道日行一百三四

十里隨賊所向攔剿

臣

全保在上龕獅子岩二

帶邊剿恐有留後北竄之賊卽派侍衛塔津保

副將樊雄楚等在八卦廟紫竹左近搜捕

臣吳

熊光往來董率催趙糧運適初一日提臣七十

五帶兵趕到獅子崖詢知由川入楚時恐逼賊

向東北深入繞道前來協剿當與熟商以東路

現在緊要且柏木壽陽所通路徑叢雜該匪或

分股牽制或併力衝突東面僅有一路官兵尙

覺不敷迎剿

臣

吳熊光暫回房縣將川省兵勇

鹽糧散給並派道員依精阿等隨營支應七十  
五卽帶兵由迎峯河走松香坪向南抄截初二

日臣長齡孫清元統兵至五臺山卽遇賊人探

馬數十匹飛飭馬隊迎前擊射斃賊九名餘匪

逃逸因慮墮賊誘計當仍折向東面保康屬之

歐家店兜進賊股果由兩層垭撲出希圖直奔

保康地界當令官兵分佔兩面山梁於垭口安

設大礮斃賊五十餘人步賊先退向南走初六  
日官兵抄至興山東面之豐邑坪探聞賊匪在  
鄭家坪之古洞口藏匿鄭家坪離豐邑坪十餘  
里隨帶兵馳至三岔地方卽見古洞口聚有馬  
步賊各數十名該處山險道狹林木叢密知賊  
必有設伏隨派弁員扼住三岔道路臣長齡與  
孫清元吉林泰等帶領官兵練勇次第馳進賊



見官兵佯逃我兵緊躡將近黃土坡見伏賊千  
餘名從林中突出孫清元吉林泰率兵施放連  
環鎗礮該匪等抵死衝撲正值喫緊之際

臣長

齡督率佐領塔勒畢善帶領馬隊奮力馳射遂  
將賊隊截斷並前傷執旗賊目斃賊五百餘名  
餘匪奔逃均向鄭家坪三溪河而逸我兵追至  
鄭家坪匪衆由狍兒灘撲水過河淹斃甚多因

天色已晚撤回豐邑坪紮住此次斃賊五百餘  
名奪獲器械甚多察看該匪已南向興山邊界  
蘭陽河長房河等處遁逃其後股白號又分向  
壽陽坪東突七十五由松香坪抄進初四五等  
日連次在麻家灣冷盤等處迎見賊人馬隊成  
羣散竄擒殺共有百餘人賊蹤亦奔南面勢欲  
與湯劉等逆合臣長齡一路包住東南遠安

東湖邊界相會七十五自北面躡剿彼此兜圍  
漸近聯絡聲勢使賊不能牽綴臣全保派兵兩

路搜拏連日擒斃賊匪八十三名據活賊楊洪  
舉等供稱賊股是湯思蛟劉朝選併合白號羅  
半年餘匪又有黃號股內夥衆至苟文明手下  
殘匪聞亦在內約共有五六千人俱在大山屯  
聚初六日羅先鋒帶千餘人要下東湖不料遇

見官兵打敗等語核與前此賊供大畧相似當  
卽正法查湯劉等股併夥入楚不能北竄又欲  
東趨不但村莊稠密處所復遭蹂躪卽三面兜  
剿實覺兼顧爲難今經設法分投抄擊逼入南  
山雖房縣與山地勢交錯或該匪又思分股北  
突有<sub>臣</sub>全保所帶官兵過住勢難深入腹地長  
房河一帶已係荒山大峽跬步維艱若再向南

竄惟有藏匿老林官兵自當犇出剿殺若迤西  
走入巫山地方官兵緊躡追擊仍當知會七十  
五帶兵折出川境兜剿再明亮由葛藤垭走竹  
谿北面一路搜剿冉逆餘匪每日擒殺十餘人  
一二十人不等旋據竹谿縣稟報南面王家河  
一帶復有零賊攢集成股明亮卽督同德昌一  
路由小河口上地壩前進探知賊在鶴坪屯紮

緊催馬步隊趕上該匪正在炊爨一見官兵棄  
擲奔逃巴圖魯侍衛富翰三等侍衛恒坤都司  
姜元祥等帶兵首先衝擊斃賊百餘人該匪輒  
敢搶上山梁推滾木石復暗分賊隊從山凹抄  
出包圍我兵德昌同副將王懋賞遊擊承祿守  
備韓英帶兵分投擊退乘勢仰攻賊人翻山下  
竄當飭官兵儘力追殺自石門溝至三岔溝等

處斬獲甚衆並生擒楊天貴等七十四名訊據  
楊天貴供此股係樊人傑之弟樊二爲首不知  
其名原與冉學勝合夥又復分開到此餘無要  
供除同正賊四十四名正法外劉永年等十七  
名係附近百姓卽令釋放戴大富等十三名交  
竹谿縣細訊辦理察探該匪敗走已由洪山何  
向陝境曾家壩竄出明亮同德昌仍率官兵至

洪山河暫駐蹕者不令該匪折回惟平利洵陽  
毗連邊隘之處尙有零匪散逸窺伺二竹一路  
官兵仍須相機堵禦未便撤調臣等惟有就現  
在情形分別剿堵奏入

上命軍機大臣傳諭吳熊光全保長齡曰此次湯劉  
等逆併夥入楚勢欲東趨經長齡率同孫清元等  
取道追剿斃賊五百餘名該匪不敢折回已南向



興山邊界逃遁其竹谿樊逆一股亦經明亮等在  
鵝坪等處斬獲多名逼回陝境所辦俱好湯劉等  
逆自川省竄入楚境蓄意東趨若突入保康南漳  
東湖境內必遭蹂躪今已盡數逼入南山自無慮  
深入腹地吳熊光全保長齡等仍須督飭官兵遏  
住賊匪折回之路并乘勝剿殺毋使一名東竄此  
爲最要現在楚省賊匪較多已有旨令額勒登保

酌量添助兵力協剿自可收夾擊之效